

**Kalaallit Nunaanni inuussutissarsiutitigut ilinniarnertuunngorniarni  
misilitsinnerit soraarummeernerillu pillugit nalunaarutip allannguutaa pillugu  
nalunaarut**

(13-skalamiit 7-trinsskalamut allanngortitsineq aamma bonus A-mik atulersitsineq)

**§ 1**

Kalaallit Nunaanni inuussutissarsiutitigut ilinniarnertuunngorniarni misilitsinnerit soraarummeernerillu pillugit nalunaarummi nr. 804-mi 13. juli 2006-imeersumi imatut allannguisoqarpoq:

1. § 41-mi imm. 4-p kingorna ilanngunneqarpoq:

*Imm. 5.* Soraarummeernerimut allagartami allanneqassaaq ”Soraarummeernerimi angusaagallartut” kiisalu ”Soraarummeernerimi angusat”. ”Soraarummeernerimi angusaagallartut”-it naatsorsorneqassapput soraarummeernerimi karakterit nalilersukkat aamma ukiumut karakteriliinerusimasinnaasut agguaqatigiissillugit, takuuk imm. 4.

*Imm. 6.* Soraarummeernerimi angusaagallartut 13-skalaminngaanniit 7-trinsskalamut naatsorsoqqinneqassapput. Naatsorsueqqinneq pissaq naatsorsueqqinnissamut najoqqutassaq ilanngussaq 2-miittoq malillugu. Soraarummeernerimi angusaagallartunik allannguisoqassagaluarpat, takuuk imm. 7, tamanna ingerlanneqassaaq 7-trinsskalamut naatsorsueqqinneq malillugu.”

*Imm. 7.* Atuartumut, Kalaallit Nunaanni inuussutissarsiutitigut ilinniarnertuunngorniarni pillugit nalunaarut malillugu ataannartumik ilinniarnertuunngorniarni ilinniarsimasoq, saniatigut fagimik A-niveau-mik ilinniarsimasumut, ”Soraarummeernerimi angusat” naatsorsorneqassapput ”Soraarummeernerimi angusaagallartut” 1,03-mik ilallugit saniatigut A-niveau-mi immikkut fagimik ataatsimik naammassisaqarsimanermut aamma A-niveau-mi immikkut fagimik ataatsimik arlalinnilluunniit naammassisaqarsimanermut aamma 1,06-imik ilallugit. Atuartut sinnerinut ”Soraarummeernerimi angusat” assigaat ”Soraarummeernerimi angusaagallartut”.”

Imm. 5-8 matuma kingorna imm. 8-11-nngussapput.

2. Ilanngussaq 2-tut nalunaarummut uunga ilanngunneqarpoq ilanngussaq 1.

**§ 2**

Nalunaarut atortuulersinneqarpoq ulloq 19. maj 2008.

*Undervisningsministeria, ulloq 15. maj 2008*

IMMIKKOORTORTAQARFIMMI PISORTAQ JARL DAMGAARD

/Helle Kristensen

## Ilanngussaq 1

### 13 skalamiit 7-trinsskalamut

2005-imi Danmarkimi ”Karakterskala aamma allatut naliliineq pillugit nalunaarut”-ikkut 7-trinsskala atulersinneqarpoq. Tamatum kingunerisaanik 2007-imi ilinniarfinnut tigusaanermiit aallartittumik Danmarkimi ilinniarfinni ingerlaqqiffiusuni tigusaaneq 7-trinsskala malillugu pisalerpoq.

Ilinniarfinni ingerlaqqiffiusuni tigusaaneq pisarpoq qinnuteqartup tigusaassutissaminik soraarummeerutigisamini 7-trinsskalatut nalunaarneqarsimasut soraarummeernerisa agguaqatigiissinnerannit.

#### *13-skalamiit 7-trinsskalamut allanngortitsineq*

Najoqqutassiaq 1 ikiorsiullugu qinnuteqartut 13-skalamik soraarummeernermi inernerinik peqartut akulerunneqarsinnaapput qinnuteqartunut 7-trinsskalamik soraarummeernermi inernerinik peqartunut, ilinniarfinnullu ingerlaqqiffiusunut tigutinnissamut kvote 1-imik killiligaasuni pingaarnersiullunilu tulleriarnermi ajunngitsumik inissinneqarlutik.

#### *Najoqqutassiaq 1 Karakterit agguaqatigiissinneranni allanngortitsinermut najoqqutassiaq*

<b>13-skala</b>	<b>7-trins-skala</b>	<b>13-skala</b>	<b>7-trins-skala</b>	<b>13-skala</b>	<b>7-trins-skala</b>
6,0	2,0	7,7	5,3	9,4	9,0
6,1	2,2	7,8	5,5	9,5	9,2
6,2	2,4	7,9	5,8	9,6	9,4
6,3	2,6	8,0	6,0	9,7	9,6
6,4	2,8	8,1	6,2	9,8	9,8
6,5	3,0	8,2	6,4	9,9	10,0
6,6	3,2	8,3	6,6	10,0	10,2
6,7	3,4	8,4	6,8	10,1	10,4
6,8	3,6	8,5	7,1	10,2	10,5
6,9	3,7	8,6	7,3	10,3	10,7
7,0	3,9	8,7	7,5	10,4	10,8
7,1	4,1	8,8	7,7	10,5	11,0
7,2	4,3	8,9	8,0	10,6	11,2
7,3	4,5	9,0	8,2	10,7	11,4
7,4	4,7	9,1	8,4	10,8	11,6
7,5	4,9	9,2	8,6	10,9	11,8
7,6	5,1	9,3	8,8	11,0 taas- sumannga- lu aneq	12,0